

鶴山縣志卷十一

雜記

廣州府肇慶府皆天文牛女分野星紀之次大清一

謹案王象之輿地紀勝云元和郡縣志以為肇慶本秦時南海郡地則分野星土當同廣

州

晷度鶴山二十二度四十二分偏西四度十五分

地居天中其體渾圓與天度相應中國當赤度之北

北極常見南極極北極高北極行即南北五里則北極高一度即南

極低一度廣北極高北極行即南北五里則北極高一度即南

西里差也廣東廣州府即南北五里則北極高一度即南

按晉書地理志元熙二年分南海郡置新會郡治盆

下鶴山縣志卷十一 雜記

屬新會郡隋開皇十年廢盆允入新會并改新會郡

為新會縣考盆允故城大清一統志云在新會

縣北方輿紀要云在縣東今鶴山乃在新會縣西

志云西至肇慶府鶴山縣界四里其不能確指

鶴山為盆允舊地明矣又按廣語引南越志云盆允

縣利山多香林名香多出其中方輿紀要謂利山即

新興老香山之南麓也今南越志既不可見太平寰

宇記利山一条引南越志祇云此山多沉香木無盆

允縣字而元和郡縣志以為山在新會縣南百七十

里寰宇記則云在縣東一百七十里是又傳聞異詞矣

竊疑廣語盆允或臨允之誤古臨允即今新興也未

知是否姑記于此以俟考冊訪一歲之中暑熱過半冬

鶴山為揚越裔土枕近大山

無霰雪草木不凋一日之間雨暘寒暑頃刻頗易夏
秋則有颶風其作也斷虹先兆紅雲障天越日漸起
北風于是狂飈震撼木拔墻倒舟不得泊鳥無棲止
起於東北轉而西南竟一晝夜其勢方殺將息時必
有大雨滂沱謂之洗颶水或一歲一發或數歲一發
未有不傷禾稼瓜果諸物者又有石尤風當天晴日
朗忽黑雲猝起陰風怒號舟行徙避不及每至覆溺
然瞬息間則又雲開日霽夏月暴風烈雨旋止旋作
比颶風稍緩謂之發東青臘月下犴薰風先春而至
曰送年南漢書云揚越之地少陰多陽其人疏理鳥
獸希毛其性耐暑投荒錄云嶺南方盛夏倏暘倏雨
大雨傾注忽而赫日已復大雨故炎熱倍于北土邑
地在萬嶂中鬱蒸尤甚故居此土者貴善調攝舊志

下鶴山縣志卷十一 雜記

二 上

古勞都近蓮塘等十二村有崑崙皂幕二山通高明
新興山嶺險阻多賊郡國利
雲宿山高數百丈覆五十里頂有石基如城泐正陽
二字甚古字徑尺傳為仙跡高明志
邑有八景曰崑崙雨霽石門鑼鼓坡亭水月雲宿大
觀珠閣迴瀾金剛覽釣桃萌聚勝彩虹夕照舊志

謹案邑志例有八景總不外夕照朝暉之類
乃至一鄉亦勉強湊成名目不知始自何時
最為可笑鶴邑八景惟坡亭水月實為大觀
其餘不過爾爾故詩文亦無甚佳致茲將舊
志圖形並諸詩俱刪去而但記其名于此

寰宇記有蒼山在高要縣南九十里山有丹砂夷人
語訛砂為蒼其南有栗砦山今文儲山正在栗砦山

之北去高要約八九十里蓋即奢山也明統志以阜
幕山為奢山誤一統志大清
黎屋邊村清溪堡為十七堡之一村內有古勞都二
圖三甲黎康榮戶有古勞都十四圖十甲陸譚黎戶
又有新會中樂都十圖一甲黎溫戶舊志未詳載訪
冊

謹案古勞都原屬新會縣古勞人買別都田
亦得割稅歸古勞都輸納及開縣後遂將古
勞都稅割歸鶴山故有田在新會而稅輸鶴
山者呂馮陸等姓皆有之不獨清溪一堡也
皂幕山向多化外徭人居之長技在竹弩藥箭發即
奇中盜起足備戰守永樂十三年救為良徭後歲荒
思亂祿洞生員李宏鬻田賑之亂止功授撫徭官職

下鶴山縣志卷十一

雜記

三

十

世襲宏孫盤嘉靖二年領征新寧上川六寨生擒賊
數百人遂賞之上田移徭耕守又擒倭嘜的哩等盤
生介介生瑛瑛生浩世號李山官云今駐劄新會都
會村李貴德現襲其職舊志

李渭登進士與梁儲同時時謂梁儲筆李渭腹
羅紹綸十七村紀畧鶴城未建之先空山蒙翳界新
開兩邑之間為徭蠻土寇藏集之所蓋自前明成化
以來二百餘年民人未有托居者康熙十八年始設
大官田營汛駐官防守民初集耕鑿康熙三十五年
有新會營隨征千總賴易勝潮州大埔縣人見此處
人民寥落田地荒蕪招得惠潮人民黃羅邱蔡等姓
挈眷前來始建坪山村墾荒耕種雖有粒食而逼處
寇盜迄無寧日後賴謝鍾等姓于三十七年開五凸

型村羅韓劉等姓于三十九年開龍眠村邱馬蔡賴等姓于四十年開橫坑村廖蕭黃羅等姓于四十二年開南洞村陳劉鄭等姓于四十三年開龍團又龔鍾黎等姓于四十五年開小官田村胡鄒李等姓于四十六年開北芬村應曾等姓于四十七年開殷洞等村此十七村之所由來均在縣未析建之先者也比時賊首有山官七余亞妹梁經玉劉保等又有李長鬚馮玉榮張洪勳後先接踵或集崑崙山下或集橫地石上雖山中不過數百人而勾引附近匪類致成大隊出至大官田與新開二縣道路相去適均地復平衍寬廣可以容眾賊眾已集新會開平新興恩平新寧三水南海順德高要高明十縣之子女玉帛在其掌握中矣附近村庄痛切剝膚又不待言我

下鶴山縣志卷十一 雜記

四

上

聖朝興師征伐首惡既誅而殘黨猶未盡除惠潮來民墾荒之餘日與對壘夜宿山林其間猛獸咆哮又

不免為虎狼所傷數十年來艱苦萬狀險阻備嘗今日或存或亡之者老節婦皆親身歷此大難者迨至雍正元年又有賊首張祖珠張亞長龔如仰周傳見等鳩集殘黨巢居石狗灣屢肆猖狂後蒙拘獲解轅正法稍稍安靖雍正十年題准建縣有邱琳羅達魁胡子寧廖相魁賴元敏朱文舉陳九萬黃奕明八人領項運石急公効力築城六百丈又蒙糧憲陶公懸示招墾聞風來者益眾如雙橋各村率其妻子墾闢至今永享昇平之福者是又繼十七村而適樂郊者也竊念前此之空山蒙翳為集賊藏奸之所寧知今日卜邑成聚十七村中遊泮者有人入監者有人

入學肄業負耒橫經各相安于無事之天耶試問身
經大難之耆老節婦其猶有存焉者乎撫今追昔蓋
不堪回首矣幸逢修志謹陳其畧以備採錄
李暢馥崑陽義學紀畧沙坪文廟之建倫畹呂先生
曾倡議于乾隆丙辰以戶籍混淆所行未果歲庚午
邑侯劉公來蒞茲土以釐清寄籍為已任政通人和
之暇思設崑陽義學及天柱環翠圓珠三文閣遂于
癸酉五月命巡宰董公經始之公推首事總理則呂
君澤彰支理則馮君爵超呂君迺宜古君爾忠馮君
斌揆易君國謙溫君英雁貯項則馮君翰選李君良
翰而掌理圓珠閣者則又黃君英亮馮君哲公宋君
明川也諸君識量深沉思慮周密不阻于艱難不惑

下鶴山縣志卷十一

雜記

五

于浮議期年而百工告竣庶幾不負邑侯巡宰之雅
意矣然都中紳士慇懃經畫更有先于十首事者蓋
自張君禹甸走札示予因與董公通告通都人士而
衆心遂振有鄧君維翰刊布題金小簿毅然直任而
綱紀以張有呂君迺宜澤彰首倡捐嘗勞君孝祝首
倡捐資而嗣美者如林有黃君起千立配享各姓太
祖之議而仗義者恐後有李君良翰常居沙坪接紳
耆以聯屬之而志之渙者盡統于一規模甫定延新
會和介茹君以正方位于是有借堪輿之說而剴晰
其奧使人鼓舞者馮君雲翔學海也堪輿之言不一
首事幾為所撓而出片言以堅衆志者黃君起千古
君爾忠也宣揚上意道達下情使官民交孚者呂君
印石鄧君曰選而黃君起千也相基地止浮言侃侃

直陳不至于道旁築室者衆紳耆之力居多而李君
厚五國熙有可取焉愚候補家居迂而且懦謬膺邑
侯重任而侯又不知愚之不才事無大小必召而訓
諭之夙夜捫心惶然悚惕惟諸君子以邑侯之心為
心若五味之相濟而和若八音之克諧而叶斯風聲
所鼓無遠弗屆而大功以成衆願以遂異日登斯堂
也視此意為競競而敬業樂羣有奇共賞有疑共晰
將拔茅彙征以作他年雲龍風虎之彥師師濟濟黼
黻隆平豈不偉與故紀其畧以志喜云
黃大鵬蓮塘山樓問心文雍正十年五月余自平遠
調任鶴山新邑甫抵省復委署南海事以閔令病也
未兩月閔令起視事遂辭趨鶴山四圍青嶂兩瀉哀
湍荒埔野田之間土屋三間吏人引余入凡六閱月

下鶴山縣志卷十一

雜記

六

十

坐于斯卧于斯聽于斯日則迎門當風晚則鑿牆窺
月一夕聞人大譁走至詢之知山麓陶君為虎逐也
午夜颶風作發自崑崙直逼土屋墻敗壓足遂病十
月大興土木築城疏河匠作數千人而荷鋤求地者
則又日以數百計案牘如山羽檄交馳未敢以疾辭
也明年春官署粗成親友甫集兒女纔歸而符臣以
五日歿倬雲以七日故長子宜男以三日天亡其他
染病就醫不死于署而死于外者又有兩人噫嘻天
時耶人事耶則一歸之人事三省來氓雖已受厘分
地豈盡得所六白金湯雖已給資運石豈盡歸心阡
陌混于欺隱雖聽民自首而分畀播遷之民豈盡至
公疆邑肇于方新雖章程悉定而奉行不善之咎豈
盡能辭耶即此四者清夜捫心已不敢自信而况紛

紘繁雜之交加之心粗氣浮之輩事為忙中錯了余實有愧斯言今幸得安然為斯民田爾田宅爾宅自茲以往計惟有早夜飲冰鞠躬匪懈庶幾獲上治民以無負

聖天子愛養臣工之至意區區兩邑間其敢自信自域也耶余將以斯意內印之心并徵諸蓮塘之民俱

易贊字翼之別字菊主玉橋人白沙先生門人也女適白沙孫貢生畹白沙留菊主飲詩云經冬三月不離床牆角梅花夜夜香舫子藥隨春酒至先生病愈故吾忘直拚醪酌能留客莫笑蹒跚強下堂記得早秋同宿處竹籬烟火白牛岡又題易菊主詩卷云頃歲東白徵入京師比歸遺余書曰在山遠志出山小

下鶴山縣志卷十一 雜記

七

上

草此言出處不可不慎也東白官翰林未四十致仕天下慕其早退以此宋之錢若水可也等而上之識者尚未知處東白于何地信乎君子立世始終一致不離乎道足以追配古人無愧誠難也余嘗泛觀古今人凡有所愛必自先愛其身然後可推已及物易曰安土敦乎仁故能愛否則未見其能愛也雖然君子立身之大節出處進退之大防亦不可不聞也君愛菊以菊主卷索題余念君之志不在利聊為言之宏治己未秋病叟陳獻章易氏譜陳獻章有送李昇之京詩歌聲誰放曉江千萬里舟航眼界寬短棹已從烟浦外此溪遙接白雲端行藏手上唯三尺名利場中總一官夾徑鶯花春未老為君傳送到平安舊志

華岡村培園內有一經樓樓前水松一株高三丈三尺餘圍八尺五寸五分松頂如華蓋周蔭二丈五尺有咫枝幹卷曲與常松不同宋姓始祖咸淳間初居于此手植五株僅存其一于今五百餘年矣秋間有松蕊滴下味如甘露或被風雨損折則村中老壽及人品端厚者必有不如意事若分外蒼秀亦必有喜事應之蓋歷驗不爽云宋氏印契內亦報明一經樓古水松一株存案本縣時賢題詠甚多方秉恭白云直凌霄漢三千仞已歷風霜幾百年殆實錄也採訪呂英澤妻潘氏維敦洛社人南海解元潘其勤孫女太學生潘復元女澤少執役於其家復元愛其聰慧欲字以女而妻與妾所生女年相若因書兩女名闔執之得妾女遂定婚然實無媒妁聘物也無何復元

下鶴山縣志卷十一 雜記

八

十

卒潘兄弟以為辱欲易婚澤亦不敢復尋舊約潘語姊妹曰貧賤命也烏有身既許人而更別適者乎親友聞其義斂金為助得成婚禮澤每年隨西商入蜀得貲甚薄養姑皆藉潘十指姑疾為滌糞穢奉湯藥無厭苦色姑生辰在正月每歲伏臘宰一雞以祀先必留其半以酒蒸之至是日以奉姑孝婦之名播于閭里現年四十九歲其人現存無入志之例附錄于此同上

鶴邑多壽人黃大鵬梁耀五一百七歲歌曰崑崙山上多仙蹤白雲常駐籠青松中有飛瀑二千尺灌注大田西復東泉井土肥塵事少居者幾與桃源同
聖朝天子頒粟帛大耋期頤半此中我來雙橋四合里四望雲山連天崇麥氏祖母楊家女九九年華

孫子從曳杖來瞻香案吏猶自堂階拜下風一聞上表旌人瑞斂衽再讓霜顏紅自言老婦徒虛度家有塾師壽如松急呼吏人迎且至此翁元精羅心胸手書生年百零七耀五其名梁氏宗一經授徒遍海澨門生老去身猶窮信哉能安天官泰無憂化日儘從容飲且食兮行所素油油鼓腹忘年功伏生有口筆無力華山處士一睡終兩朝遺老居然在綿此聖學生不空行且扶之崑崙頂叫通天耳理絲桐舊志易宏聞喜縣張侯廟碑曰余抵晉之聞喜縣鄉落間有張侯廟余過之意其桓侯也翼長往謁而司廟者已知余姓氏跪而捧簡請為廟記曰神所命也廟立已四十餘年向者境中常出妖祟民多奇疾蟲賊傷苗神降于其家曰余增城侯粵人張家玉也為攘災

下鶴山縣志卷十一

雜記

九

十

害以安爾民吾當司爾土於是立廟虔祀而闔邑安然皆神之賜也茲來夢告曰晨有吾鄉易君至習知吾事若請其記文足不朽矣故豫知而備簡以懇余聞言驚異瞻仰侯貌劔履森嚴追想英風慷慨泣下嗟乎侯廟已立四十餘年而記有侯宏之不肖宏生也晚侯之奇行軼事宏不足以盡知况侯忠義在天壤文章在方策宏記何足重而侯之命宏者亦知人間有宏矣宏何以承侯之嘉命哉因誌其事于碑陰而為之記曰運匪登三數丁陽九古人不幸而生其世痛何可言然斯世不有斯人斯道當不至今而已絕矣斯人也當國家大變不料生死不計成敗知其不可而為之卒之見危授命生為烈士歿作明神古今所傳不可泯沒斯土之有侯廟者侯降靈而人祀

之降夢而余記之豈偶然哉余侯鄉人也侯才畧膽識睥睨一世氣節文章高越千古當國祚淪亡之日倡義海隅常以一旅之師屢摧勁敵雖古名將無以過之一時英風可謂盛矣然血戰數年未獲中原尺寸之士而孰意關山萬里地北天南車塵馬足所未經者歿而廟食於其間哉此其正氣所存固無往而不在也當燕京之陷也侯以翰苑詞臣致身許國自分死矣卒留未死之身間關南返旋舉義旗斯時大事已定天命已去而侯獨以海上孤軍挽落暉而爭逝鼎其百折不回之心瀕死者數矣瀕死而不死天哀其未竟之志而不忍死之不忍死之而不得不死之是以不死于燕而死于粵不死于就獲而死于疆場不死于三年之前而死于三年之後者其皎然不

下鶴山縣志卷十一

雜記

十

十

澤之身不死者其浩然流行之氣語曰死有重於泰山于侯有焉功雖未竟而義足以暴于天下後世事不盡錄嶺外人能言之嗚呼烈矣彼亂臣賊子戴其行屍其為魑魅魍魎豈待誅鋤之日哉其化為異物固已久矣惟忠誠之士有殺身以成仁者歷古今而長存何者誠之所至自無乎不至也曩者茲鄉常多災患自立廟而土安人和祀典所謂有功者祀之侯之廟也宜也侯諱家玉號芷園廣東東莞人以進士歷任兵部侍郎歿于陣贈增城侯諡文烈考建廟之年則殉難之次年也可謂烈丈夫矣贊曰天有日月地有河山人有正氣充塞兩間桓桓我侯忠格天地浩氣流行純亦不已作廟奕奕于彼高原碑枕龜趺鐘懸螭首易子作記勒垂不朽

張附錄

王阮亭先生祭告南海偶遊海幢見壁上詩云珠海鐘聲日夜流紅棉綠瓦幾經秋錢王已去山僧在更與誰吟十四州極賞之蓋余從舅潘鳳升字允大作也惜南海集不載予少遊海幢聞僧說新會易秋河亦十年王謝半為僧白公亦賞之而全首失記矣

羅天尺五
山志林

謹案雲華子集有贈惺和尚詩云巖烟深處碧層層傳得西來未絕燈龍影靜沉孤鉢水鏡臺空盡一心冰吟邊香遠聞花落定裏光懸見月升莫怪魯儒稀弟子十年王謝半為僧惺號學敏為端州法輪寺僧即公歿而葬公者大約公遊海幢寺偶書此詩于壁大司馬吳留村先生見之即延入幕今據石湖所

鶴山縣志卷十一

雜記

十一

所云豈漁洋亦見此詩而賞之耶

連平有通經學古之儒曰葉應乾字元一學者稱始堂先生幼孤事母孝謹甚至家故貧舌耕為業然就館必於近者弗忍遠離以傷母心也母病侍湯藥衣不解帶者經月母亡後幾以毀滅性晚年得眩暈疾將不起有葉開美者恍惚入冥間見司命主者謂開美與應乾俱不獲免旁有人曰葉某孝謹直諫算可延既而疾果愈越十二年以明經任鶴山訓導受事兩閱月卒於官舍年七十有二

趙希璜研
機齋文集

謹案應乾任訓導僅兩月未嘗有功于學校而其人則可存冥司之事頗涉荒誕然謂孝謹可延壽則至理也附錄于此

易訓既築坡山別業後又移家蒼梧遂卒於粵西陶
天球喜岑大今幾易三宣人至詩小序云歲甲長二
子移家蒼梧避兵燹也余以駑馬之疵不能偕往幸
亦不及於亂是歲冬二子遠邑訪余草堂賦此志喜
寒花吹白正紛紛千里人歸日又曠孤劍重懸冰井
氣半囊全濕火山雲他鄉勝事能為道故國傷心不
可聞何幸柴門藉無恙濁醪雞黍漫留君又過易三
訓蒼梧客舍留話詩蒼梧西上白雲間之子移家住
此間不為客中尋舊好豈知城裏是深山朝烟雨後
籠花燈夜月晴時到竹關共對孤燈愁遠望雁鴻秋
曉未曾遠又旅夜宿易三山堂望月次韻詩所得是
山水茲心殊不然可憐同望月辜負此流年杜芷香
遠遠芙蓉血尚鮮若耶人未返誰上五湖船何鞏道

下鶴山縣志卷十一 雜記

十一

寄易宣人隱居詩故人高隱遠辭家茅屋陰陰住海
涯深樹雨眠芳草鹿斷橋風起夕陽鴉地臨南服山
林古關控西江水勢斜千里一身回首日滿城寒葉
與秋花又過易宣人故居詩花閉空城草路非重來
庭巷認雙扉長沙賦罷年方少孤竹歌成願已違久
掛綠琴弦自解舊題紅葉墨全稀此情擬向鄰人說
哀笛無端弄落暉採訪
嘉慶甲子七月梁修平馮觀複之變雖即時撲滅而
男奔女竄流離顛沛之狀已令人目不忍見耳不忍
聞一蠹動而南海高明附近各處匪黨聞風即至先
是沙坪各鋪戶設立軍器以備不虞至是觀複悉勒
取去率其黨先至劉貴家伺解犯出而土賊乃乘間
揚言觀複作亂各宜逃生于是四出避賊者負衣物

腰白金扶老携幼晝夜不絕土賊悉劫取之有驚仆而死者有爭渡而溺于水者有孕婦墮產于路母子俱絕者哭聲震天地官兵未至而十七堡子弟兵先至賊散走十七堡之設子弟兵也約賊至以鳴鑼為號一鄉鳴則各鄉皆鳴聲如潮湧五十餘鄉丁壯齊出賊聞聲喪膽事定後點閱某鄉人數若干以持械為率各給工食手縛賊者加賞之被傷者給藥金因傷致死者贍其家口各有成例賞罰嚴明以故人人奮勇聞鑼聲轉雀躍有聞鑼而不應或應而丁壯不出者即是賊黨眾共攻之鄰堡有賊亦率眾赴救是役也各鄉紳士俱協力而在籍典史黃為邦之功為最大賊各棄軍器或以紬衣易農人舊衣褲而免或偽負犁鋤立隴畔僥倖得脫其扒山越嶺而走者多

丁鶴山縣志卷十一 雜記

十三 十一

墜澗壑中樵採者往往見山谷中有遺骸云書之以為後之悞蹈覆車者戒也李象淳採訪冊舊志有馮椿禹門石其人詩并序云其人姓石名許字其人有才名與諸葛武侯同時先主聞其名三聘不就大多不傳予為詩以紀之才名驚世在名山不在其人方寸間不是其人身不出白雲深閉九重關此與鶴山事無涉然不知何所本抑莊生寓言也採訪冊

鶴山縣志卷十一 終